

აჭარის ავტონომიური რესპუბლიკის საშუალოვადიანი
სამოქმედო გეგმა
(2014-2017 წლები.)

2013 წელი

აჭარის ავტონომიური რესპუბლიკის ჯანმრთელობის და სოციალური დაცვის სამინისტრო

პრიორიტეტი (1): მოსახლეობის ჯანმრთელობის დაცვა

პრიორიტეტის დასაბუთება:

- ავტონომიური რესპუბლიკის ტერიტორიაზე სამედიცინო დახმარების ერთიანი წესების, პირობებისა და ნორმატივების შემუშავება;
- აჭარის ავტონომიურ რესპუბლიკაში მოსახლეობის ჯანმრთელობის მდგომარეობის შესწავლა, დაავადებათა მიმართულებით პროფილაქტიკური ღონისძიებების გატარება.

პრიორიტეტის საშუალოვადიანი მიზანი:

- მოსახლეობის სხვადასხვა სოციალური ჯგუფების, მათ შორის სოციალურად დაუცველი კატეგორიებისათვის მკურნალობასთან დაკავშირებული იმ ფინანსური რისკების მართვა, რომელიც ვერ იფარება მოქმედი სახელმწიფო სამედიცინო პროგრამებით.

სოფლის მოსახლეობისათვის ექიმამდელი სამედიცინო დახმარების მიწოდება. თემის სამედიცინო პუნქტებში დასაქმებული მედდების თეორიული და პრაქტიკული უნარ-ჩვევების გაუმჯობესება, კვალიფიკაციის ამაღლება. სოფლად პირველადი ჯანდაცვის განვითარებაზე ხელშეწყობა

სქოლიოზითა და ცერებრალური დამბლით დაავადებულ ბავშვთა სამედიცინო რეაბილიტაცია.

პროგრამა (1.1): ჯანმრთელობისა და სოციალური დაცვის სფეროს პოლიტიკის შემუშავება და მართვა

პრიორიტეტის დასახელება, რომლის ფარგლებშიც ხორციელდება პროგრამა:

მოსახლეობის ჯანმრთელობის დაცვა

პროგრამის დაფინანსების ოდენობა:

პროგრამული კოდი 0701

პროგრამის მიზანი:

- აჭარის ავტონომიურ რესპუბლიკაში ჯანმრთელობისა და სოციალური დაცვის, დასაქმების, დევნილთა და განსახლების სფეროში საქართველოს ერთიანი სახელმწიფო პოლიტიკის განხორციელება.
- ჯანმრთელობისა და სოციალური დაცვის დარგში პრიორიტეტულ ღონისძიებათა შემუშავება.

პროგრამის მოსალოდნელი (საბოლოო) შედეგი:

- აჭარის ავტონომიურ რესპუბლიკაში მოსახლეობის ჯანმრთელობის მდგომარეობის შესწავლა, დაავადებათა და მართვად ინფექციათა მიმართულებით პროფილაქტიკური ღონისძიებების გატარება;

- პენსიონერების, შეზღუდული შესაძლებლობების მქონე პირებისა და მოსახლეობის სოციალურად დაუცველი სხვა ფენებისათვის სოციალური დახმარების პროგრამის შემუშავებაში მონაწილეობის მიღება, განხორციელება და მათ შესრულებაზე ზედამხედველობა კანონმდებლობით დადგენილი წესის შესაბამისად;
- ბენეფიციარების სიცოცხლისა და ჯანმრთელობის შენარჩუნება, შესაძლებლობების შეზღუდვის შემცირება;

პროგრამა (1.2): სამედიცინო მომსახურების ხელმისაწვდომობის გაზრდა

პრიორიტეტის დასახელება, რომლის ფარგლებშიც ხორციელდება პროგრამა:

მოსახლეობის ჯანმრთელობის დაცვა

პროგრამის დაფინანსების ოდენობა:

პროგრამული კოდი 0702

პროგრამის მიზანი:

- სოციალურად დაუცველი და სხვა სოციალური კატეგორიის მოსახლეობისათვის მკურნალობასთან დაკავშირებული იმ ფინანსური რისკების მართვა, რომელიც ვერ იფარება მოქმედი სახელმწიფო სამედიცინო პროგრამებით.
- კარდიოქირურგიული მკურნალობა, გულის დაავადებების მძიმე ფორმებით გამოწვეული ლეტალობისა და შესაძლებლობის შეზღუდვის შემცირება.
- მოსახლეობის სხვადასხვა სოციალური კატეგორიისათვის რესურსტევადი, მაღალტექნოლოგიურ სახსრების ენდოპროთეზირების ჩატარებაზე ფინანსური ხელმისაწვდომობის უზრუნველყოფა.
- სოციალურად დაუცველი მოსახლეობისათვის მაღალტექნოლოგიური სამედიცინო მომსახურებაზე ფინანსური ხელმისაწვდომობის უზრუნველყოფა.
- თემის სამედიცინო პუნქტებისათვის პირველადი სამედიცინო დახმარებისათვის საჭირო მედიკამენტების ყოველთვიური მარაგი და სადიაგნოსტიკო საშუალებების მიწოდება.
- თემის სამედიცინო პუნქტებში დასაქმებული ექთნების პროფესიული დონის ამაღლება, თანამედროვე მოთხოვნებთან შესაბამისობაში მოყვანა, პრაქტიკული და თეორიული უნარ-ჩვევების დახვეწა, შენარჩუნება და განვითარება.
- ცენტრალური და პერიფერიული ნერვული სისტემის, ძვალ-სახსროვანი სისტემის დაავადებების მქონე ბავშვებისათვის ფსიქოსომატური რეაბილიტაციის კურსების მიწოდება.
- სქოლიოზით დაავადებულ 18 წლამდე ასაკის მოზარდებისათვის რეაბილიტაციის კურსების მიწოდება.
- სოფლის პირველადი ჯანდაცვის ცენტრების ექიმებისა და მედდების პროფესიული გადამზადება თანამედროვე მოთხოვნების შესაბამისად, მაღალმთიან მუნიციპალიტეტებში სოფლის პირველადი ჯანდაცვის ცენტრების მობილურობის გაზრდის მიზნით მათთვის მაღალი გამავლობის ავტომანქანების შეძენა.

პროგრამის მოსალოდნელი (საბოლოო) შედეგი:

- ბენეფიციარების სიცოცხლისა და ჯანმრთელობის შენარჩუნება/გაუმჯობესება, შესაძლებლობების შეზღუდვის შემცირება;

- მკურნალობასთან დაკავშირებული ფინანსური რისკებისაგან დაცვა.
- სოფლის მოსახლეობა უზრუნველყოფილია გეოგრაფიულად ხელმისაწვდომი, ხარისხიანი ექიმადელი სამედიცინო მომსახურებით, პირველადი სამედიცინო დახმარებისათვის საჭირო მედიკამენტებითა და სადიაგნოსტიკო საშუალებებით.
- ბენეფიციართა ფიზიკური და ფსიქიკური ჯანმრთელობის მდგომარეობის ნაწილობრივი გაუმჯობესება.
- გადამზადებული სოფლის ექიმები და ექთნები, სოფლის მოსახლეობას ადგილობრივ დონეზე მიეწოდება ხარისხიანი, საბაზისო სამედიცინო მომსახურება; გაიზრდება მთის რეგიონის პირველადი ჯანდაცვის ცენტრების მობილურობა.

პროგრამა (1.3): საზოგადოებრივი ჯანდაცვა

პრიორიტეტის დასახელება, რომლის ფარგლებშიც ხორციელდება პროგრამა:

მოსახლეობის ჯანმრთელობის დაცვა

პროგრამის დაფინანსების ოდენობა:

პროგრამული კოდი 0703

პროგრამის მიზანი:

- მოსახლეობის ჯანმრთელობის მდგომარეობის გაუმჯობესება, ჯანმრთელობის აცილებადი რისკების მართვა, ეპიდკეთილსაიმედო გარემოს უზრუნველყოფის მიზნით გადამდებ და არაგადამდებ დაავადებათა პრევენცია.
- პრიორიტეტული საკითხების ირგვლივ სამიზნე ჯგუფებისა და მოსახლეობის ინფორმირება, მოსწავლე - ახალგაზრდობისა და მოსახლეობის ცალკეული ჯგუფების ჩართულობა;

პროგრამის მოსალოდნელი (საბოლოო) შედეგი:

- ეპიდკეთილ საიმედო გარემოს შენარჩუნება,
- მოსახლეობის დამოკიდებულების ჩამოყალიბება ცხოვრების ჯანსაღი წესის დასამკვიდრებლად,
- დაავადებათა ადრეული დიაგნოსტიკა, მოსახლეობის ჯანმრთელობის აცილებადი რისკების მართვა.

პრიორიტეტი (2): მოსახლეობის სოციალური დაცვა

პრიორიტეტის დასახელება:

- მოსახლეობის სოციალური მდგომარეობის მონიტორინგი და ანალიზი;
- სამედიცინო სტატისტიკის წარმოება და ანალიზი;
- პენსიონერების, შეზღუდული შესაძლებლობების მქონე პირებისა და მოსახლეობის სოციალურად დაუცველი სხვა ფენებისათვის სოციალური დაცვის ღონისძიებების განხორციელება.

პრიორიტეტის საშუალო ვადიანი მიზანი:

პრიორიტეტის მიზანია პენსიონერების, შეზღუდული შესაძლებლობების მქონე პირებისა და მოსახლეობის სოციალურად დაუცველი კატეგორიებისათვის სოციალური დახმარებების გაცემა, მათი უზრუნველყოფა სხვადასხვა დამხმარე საშუალებებით. სოფლებში საექიმო კადრების დამაგრების მიზნით მათი მატერიალური სტიმულირება და სოციალური დაცვის სხვა ღონისძიებების გატარება. სოციალური და სტიქიის შედეგად დაზარალებულ ოჯახების საბინაო პირობებით უზრუნველყოფა.

პროგრამის დაფინანსების ოდენობა:

პროგრამული კოდი 0704;040104

პროგრამის მიზანი:

- 100 წელს გადაცილებული მოქალაქეების დამატებითი მატერიალური დახმარება.
- ახალშობილი ტყუპების ოჯახების მატერიალური დახმარება.
- შეზღუდული შესაძლებლობის მქონე და ხანდაზმულ პირთა სავარძელ-ეტლებით უზრუნველყოფა.
- სმენადაქვეითებულ პირთა უზრუნველყოფა სმენის აპარატებით.
- მიუსაფარ დედათა და ბავშვთა უზრუნველყოფა თავშესაფრით და უსაფრთხო გარემოთი.
- საექიმო კადრების სოფლებში დამაგრება და მათი სოციალურ-ეკონომიური პირობების გაუმჯობესება.
- შეზღუდული შესაძლებლობის მქონე ბავშვების უზრუნველყოფა მათ საჭიროებებზე მორგებული სამედიცინო, პედაგოგიური და სარეაბილიტაციო მომსახურების კურსებით.
- 2008 წლის აგვისტოში საქართველოს ტერიტორიაზე განვითარებული საომარი მოქმედებისა და 2012 წელს ავღანეთში საერთაშორისო სამხედრო ოპერაციის შესრულების დროს დაღუპულთა ოჯახების სოციალური და მორალური მხარდაჭერა.
- სოციალური და სტიქიის შედეგად დაზარალებულ ოჯახების საბინაო პირობებით უზრუნველყოფა.

პროგრამის მოსალოდნელი (საბოლოო) შედეგი:

- სხვადასხვა კატეგორიის მოსახლეობის სოციალური დახმარება.
- ბენეფიციართა სოციალური პირობების ნაწილობრივი გაუმჯობესება, გადაადგილების მოთხოვნის დაკმაყოფილება.
- სმენადაქვეითებულ მოქალაქეთა ცხოვრების ხარისხის გაუმჯობესება, საზოგადოებაში მათი ინტეგრაციის ამაღლება.
- მიუსაფარ დედათა და ბავშვთა სოციალური მდგომარეობის გაუმჯობესება და საზოგადოებაში ინტეგრაცია.
- სოფლის ექიმების ადგილზე დამაგრება, სოფლის მოსახლეობისათვის უწყვეტი ბაზისური, ხარისხიანი სამედიცინო მომსახურების მიწოდება.
- შეზღუდული შესაძლებლობის მქონე ბავშვების უზრუნველყოფა სარეაბილიტაციო კურსებით. სხვადასხვა კატეგორიის მოსახლეობის საბინაო პირობებით უზრუნველყოფა.

პრიორიტეტი (3): დასაქმების ხელშეწყობა

პრიორიტეტის დასაბუთება:

დასაქმება მოქალაქეების კეთილდღეობისა და განვითარების მთავარი წინაპირობაა. იმ პირობებში როცა რეგიონში არის უმუშევრობის სერიოზული პრობლემა, ძალიან მნიშვნელოვანია დასაქმების ხელშეწყობი აქტივობების განხორციელება სამუშაოს მაძიებელთა დასახმარებლად და მათი შრომის ბაზარზე კონკურენტუნარიანობის უზრუნველსაყოფად. დასაქმების ხელშეწყობის ეფექტური პოლიტიკის შემუშავების მიზნით აუცილებელია შრომის ბაზრის სისტემატიური კვლევა, რომელიც დაინტერესებულ მხარეებს მიაწვდის სრულ ინფორმაციას შრომის ბაზარზე არსებული ტენდენციების შესახებ და გასცემს უამრავ მნიშვნელოვან კითხვას პასუხს თუ რა ახდენს გავლენას სამუშაო ძალაზე არსებულ მოთხოვნა-მიწოდების დისბალანსზე და რა შეიძლება გაკეთდეს ამ დისბალანსის შესამცირებლად.

პრიორიტეტის საშუალოვადიანი მიზანი:

- აჭარის ავტონომიური რესპუბლიკის ადმინისტრაციულ ტერიტორიაზე ყველა სამუშაოს მაძიებლის რეგისტრაცია და აღრიცხვა;
- აჭარის ავტონომიური რესპუბლიკის ადმინისტრაციულ ტერიტორიაზე არსებული ყველა ვაკანსიის რეგისტრაცია და აღრიცხვა;
- ყველაზე მოთხოვნადი პროფესიების გამორკვევა;
- სრული ინფორმაცია იმაზე თუ რომელ პროფესიებშია ყველაზე ნაკლებად კვალიფიციური სამუშაო ძალა და რა არის ამის მიზეზი;

პროგრამა (3.1): დასაქმების ხელშეწყობის მართვა

პრიორიტეტის დასახელება, რომლის ფარგლებშიც ხორციელდება პროგრამა:

დასაქმების ხელშეწყობა

პროგრამის დაფინანსების ოდენობა:

პროგრამულიკოდი070501

პროგრამისმიზანი:

აჭარის რეგიონის მოსახლეობისათვის უმუშევრობასთან ბრძოლის კონცეფციის, დასაქმების სისტემისა და მექანიზმების განვითარების ხელშეწყობა.

პროგრამის მოსალოდნელი (საბოლოო) შედეგი:

- აჭარის რეგიონის მოსახლეობისათვის დასაქმების ხელშეწყობის მიზნით შრომის ბაზრის იმ სექტორების გამოვლენა, სადაც არსებობს ან/და შესაძლებელია შეიქმნას ვაკანსიები.

პროგრამა (3.2): შრომის ბაზრის კვლევა

პრიორიტეტის დასახელება, რომლის ფარგლებშიც ხორციელდება პროგრამა:

დასაქმების ხელშეწობა

პროგრამის დაფინანსების ოდენობა:

პროგრამული კოდი 070503

პროგრამის მიზანი:

- ყველაზე მოთხოვნადი პროფესიების გამორკვევა და მათზე არსებული მიწოდების პრობლემების ფაქტორების გამოაშკარავება.
- ადგილობრივ შრომის ბაზარზე მოთხოვნა-მიწოდების დისბალანსის შემცირებისთვის სტრატეგიის შემუშავება.

პროგრამის მოსალოდნელი (საბოლოო) შედეგი:

- შრომის ბაზარზე ყველაზე მოთხოვნადი პროფესიების გამორკვევა
- შრომის ბაზარზე მოთხოვნა-მიწოდების ბალანსზე სრული ინფორმაციის მოპოვება.